

16^e s.
Mihi Ras, non Me Rebus.



40784

Ms.

Bibliotheca


M. Hyacinthi Theodori Baron.

Antiqui Facultatis Medicinæ

Parisiensis Decani, nec non

Castrorum Regis et Exercituum

Proto-medici.



15.526

C L. 40784

GALENI

PERGAMENI

DE

CLYSTERIBVS

ET COLICA

LIBER:

A Iohannitio è Græca in Arabicam, &
inde à Kalonymo in Hebræam
linguam, translatus:

Jam primum in lucem editus.



LYODVNI BATAVORVM,
EX OFFICINA PLANTINIANA,
Apud Franciscum Raphelengium.

CL. IC. XCI.

C. L. 40784
G A L E N I

PERGAMENI

D E

C L Y S T E R I B V S

ET COLICA

L I B E R :

Ioannis é Graeca in Arabicam &
inde á Kalonymo in Hebraeam
linguam translatus :

Id est primus in lucem editus



EX OFFICINA PLENTINIANA
Apud Franciscum Raphaelianum.
CL. L. XCI.

Franciscus Raphelengius

Iusto filio.

INCIDIT in manus meas, anni sunt circiter decem, Iuste fili, volumen Tractatum Medicorum Hebraea lingua in membrana manu scriptum. id obiter perlustratum, mihi comparavi, & quod meci studij res esset quoad linguam, & quod tui, quem iam puerum Aesculapio deuoueram, aliquando fore considerem. maxime cum me prater Auctorum splendorem, Arabici in Medica arte nominis gloria permoueret. In eo enim Hippocratis quedam, Galeni, Auicenna, Rasis, & aliorum opuscula, item R. Mosi Aphorismos & Abenzoar, Hebraice versa, deprehendi. quorum praecipuum interpretem Johannitium comperimus, qui Hippocratis & Galeni pleraque e Græco in Arabicum sermo-

nem transtulit, quæ inde Kalonymus & alij
in Hebræum. Accidit aliquot annis post, ut
amico, cuius magis in istâ facultate iudicium
faciebam, elenchum librorum mei exemplaris
ostenderem. suavit ille subit d Galeni hunc De
Clysteribus librum luci ne inuiderem; ac eo
nomine præcipue persuasit, quod nunquam
antehac sine Græco sine alio idiomate editum
adfirmaret, futurumq ob scriptoris celebrem
famam unicuique gratum. Quem igitur tuis
solum, fili, usibus destinaueram, publici ecce
iam iuris facio; & per tot linguas exonem,
in Latium tandem deduco. Ita tamen, ut
quæ vel obscure barbareq sonarent, vel mi-
nima grata aliqui delatioribus forent, emen-
danda prius & expolienda doctissimo viro
RETRO PAYVIO medico, mihi amico,
tradiderim. Cum verò à nonnullis in dubium
reocari queat, genuinusne sit Galeni liber, an
supposititiu; paucis ad duas quæ potissimum
adferri possent rationes respondebo, non meis
quidem verbis (nec enim in re quæ non no-
stri instituti, indicare nostrum) sed aliorum,
quorum

3
quorum & auctoritas & doctrina satis id
persuadeant. Dicent in Indice, quem ipse
Galenus suorum librorum edidit, non recen-
seri: deinde nonnulla medicamenta in eo ex-
hiberi quae Graeci non agnouerunt. Quan-
tum ad primam attinet: cum aperte constet
R. Moser in suis Aphorismis ex hoc libello
non paucos elegantes Aphorismos de promissis
se, mentione addita Galeni de Clysteribus,
(ut patet ex ipsis locis quae textui chara-
cteribus minoribus distincta adiunximus)
nihil obstat quo minùs credamus, sub finem
vitae inter postremos quos aliquando existisse
suspicio est, ab eo conscriptum, neglectum ta-
men à plenisque, tanquàm à prioribus Operi-
bus, quae voluminibus coniuncta manibus
omnium passim terebantur, Indice exclusum.
Quantum ad alteram: existimandum est, Ara-
bes subinde notiora suis regionibus medica-
menta substituisse, earundem nihilo minus
virium, eiusdem effectus. quod reuera nihil
totius operis filum & contextum immutare
certum est. At quod quidam de stilo alle-

gent, tanquam à vi & nervis Galeniani
stili diffidente; parum nos mouet. nec enim
facile est, ter mutata variis linguis facie
stili, pristinam agnoscere. Vt ut sit, vel
Galenus est, vel Galeno neutiquam indignus.
Talem tu existima; talem habe: non tam
meo, quàm clarissimorum medicorum fretus
iudicio; quorum honoranda vestigia sequare,
& è penitis Medicinæ sacrariis deprompta
præcepta auidè imbibas, seriò moneo. Vale.

[illegible]

CL. GALENI

PERGAMENI


DE CLYSTERIBVS

ET COLICA

LIBER



Vt cum iudicio praxin
 medicam aggredi, in ea-
 que fructum facere volet,
 huic ante omnia sanitas
 curæ esse debet: quam ad
 rem non parum conferet,
 si in verâ & artificiosâ cly-
 sterum confectione exercitatus sit; & in qui-
 bus affectibus (secundum veterum medico-
 rum placita) eius vsus conducatur, norit. Non
 deesse aliquos scio, qui hanc rem vt inutilem
 & imperfectam paruipendant: verum anti-
 quiores medici, qui multiugâ sanè expe-
 rientia abundarunt, vno ore asserunt, insi-
 gnem huius in medicamento esse vtilitatem;
 quippe qui modum applicandi clysteris, non
 tam artis beneficio quam naturæ instinctu
 potius inuentum & monstratum viderunt.

Herodotus enim narrat Ibin, Ægypti auem,
 clysteris vsum prodidisse primum, idque hac
 occasione. Atris hæc animal naturâ vorax
 admodum cum sit, quæcunque oblata sine
 discrimine ingurgitat. Hinc obstructa aluo,
 magna fit crudorum humorum coaceruatio,
 qui in dies magis magisque aucti, dolores
 vehementes pariunt. hös sentiens, petit ma-
 re, & marinam aquam rostro excipiens, cam
 ano infundit; eaque intestina perfluens, ad
 excretionem materiae sibi molestæ, exei-
 tat. hinc ad consuetam vitæ rationem re-
 uertitur. 
 Opera prætium autem videtur hic recen-
 sere Veterum hæc de re scriptis relicta expe-
 rimenta: quib; & rationes eaque argumenta
 quæ præmitti solent; de causarum nempe
 cognitione & ortu: de medicamentorum
 vario secundum causarum diuersitatem usu:
 tum etiam quæ diligentia ad earum depul-
 sionem adhiberi debeat. nam morbus si fri-
 gidus, calidis; si calidus, frigidis; ficeus, hu-
 midis; humidus, siccis curandus. Contrariis
 enim tolluntur morbi. Maligno autem
 aliquo humore copiâ aucto contabescere
 corpus necesse est: eo verò extracto, rursus
 augmentum naturaliter acquirit. Hinc

Hippocrates medicinam adiectionem & abstractionem esse dicebat; vt quæ resarciat addatque id quod deficit: quod verò redundat, tanquam inutile auferat, idque inter alia clysteris beneficio. hic enim in quibusdam morbis superfluitates noxias educit: est tamen vbi non conducere, sed noxam inferre videtur: cuius rei euidentis signum suggerit ratio, siue iudicium, in ea natura cuius difficilius est inuestigatio. ac experimentum quod rationi subest, quicumque sibi vindicat, subinde hallucinatur, ita vt rectam viam inire non possit. In plurimis inquam morbis eius vsus nō postremus: præcipue verò ad aluum nimis constrictam soluendam. * Adstrictio enim præter naturam inua-

Ex Aphor. R. Mos.

Part. vi. c. 11.

Constrictio egestionis egestionē adiuuat, quia auget & fortificat ipsā contra naturā. & forte huiusmodi est causa destructionis. generant enim febres secundum species sui diuersas, & apostemata manifesta, & non manifesta secundum sui diuersas species:

quas sequitur nonnumquam apostemia pul-

A S

monis,

monis, pleuritis, suffocatio, hemicrania intermittens recurrensque; ilium, iecoris, lienis dolor, pertinax vrinæ stillicidium, ventriculi cruciatus & debilitas, animi deliquium seu syncope, appetentiæ deiectio, eructatio acida, punções, plethora, paralyfis, colicus dolor, podagra, dolor iuncturarum. Breui-

& facit furere dolorem quemlibet ex grossis humoribus ortum, & debilitat virtutes naturales, & corrumpit operationes animales inducentio grauem somnum & mentis permixtionē.

ter, malum id multiugos dolores è crassis viscidis & glutinosis humoribus natos excitat, facultatem tam naturalem quàm animalem labefactans; parit enim non rarò soporem grauem, ingenij torporem, phrenesin, memoriæ, cogitationis, ac reliquorum sensuum corruptionem; necnon visui interdum obest, dum crustæ instar oculi membranis incumbit: auditum corrumpit quoque. quod tamen ratione corrupti aëris euenire potest, vti si aspera admodum sit hyems, refrigerans cutem, eiusque meatus coarctans, fuliginibus siccis exitum impediens. hoc si accidat, vti oportet alimentis humidis, & tempori se opponere contraria victus ratione: partibus enim corporis atefactis, copiosus fiet fluxibilis in iecore cum ceteris humoribus pro-

uentus;

uentus; quam segregans natura magna fiet
 coaceruatió humoris maligni, crassi, nigri,
 frigidi in liene, estque is qui *μαλαγχολία* seu
 bilis atra vocatur: prædictus enim tenuis,
 flauus, igneus, calidus in fellis dictâ vesiculâ
 domiciliû obtinet, flaua bilis vocata. aqueus
 verò magis tenuis & serosus in renibus hæret,
 & vrina appellatur; cuius exiguus est in cor-
 pore vsus: contrâ ac bilis flaua quæ ob sub-
 stantiæ tenuitatem & qualitatem acrem exi-
 miis vsibus destinata est; intestina namque
 perlabens, quicquid in eis materiæ hæret, ex-
 pellit. quod nonnullos in re medicâ fastuosos
 medicos omnino latuit; hi enim insistentes
 operationibus naturæ, cum vident ictero cor-
 reptos non posse aluum exonerare, tum &
 eorum excrementa ad albedinem vergere,
 vniuersum corporis habitum, præcipuè verò
 oculos, flauo croceoque colore tincta, sciunt
 bilem flauam ea peruadere viâ insolitâ; hîc
 autem natura sola per se morbificam cau-
 sam expellit. quod Hippocrates innuit, cum
 naturam eam esse quæ morbos curet, reme-
 diaq. iis tollendis idonea commonstret; ait.
 "Græci verò cum de morbi
 remedio dubij sunt, naturæ
 facultates petlustrant; in-

R. Mos. part. viii.
 Græci cum in curâ a-
 eritudinis sunt stupe-
 facti, permittunt natu-

quiruntque cui facultati mor-
 ram cum agitudine præ-
 liari, dicentes quod Na-
 tura docta à se nouit
 complexionibus membra-
 rum; & unicuique mem-
 bro ministrat quod sibi
 simile est ex cibo. Et
 eibus est cura qua suffi-
 cit tempore sanitatis &
 tempore agitudinis.
 bus molestus sit. videntes
 que quænam inter morbum
 & facultatem sit commu-
 nio; nomen morbo quod
 eius nature conueniat, im-
 ponunt, sicque tollere conan-
 tur: argumentum ex eo de-
 sumentes; quod naturam
 eam esse videant; quæ animal in sanitate
 conseruet, eamque amissam reuocet. Par-
 tium autem animalis temperies tibi cognita
 esse poterit, si singulis conuenientes humo-
 res, ex alimentis ingestis, paraueris: sangui-
 nem nempe, pituitam, bilem flauam & atram
 (quorum singuli non puri, sed aliis permisti
 sunt:) tum etiam si loca ea per quæ alimen-
 torum superfluitates expelli debent, rite
 præparaueris. Omnino autem sciendum
 est, quo pacto alimentum gignatur augea-
 turque, ex eoque proueniant prædicti hu-
 mores, naturaque refocilletur, corroboretur,
 sicque recreata alacriter tuendæ animantis
 sanitati incumbat. Admiranda enim in eo
 Creatoris prouidentia & prudentia, quod fla-
 uam bilem eam creauit naturam, ut leuis & te-
 nuis existens, sursumque ascendens, deorsum
 nihilo-

nihilominus feratur, infernas calfaciens partes: pituitam contra naturâ suâ grauem in superiore tamen corporis collocarit regione. bilis namque si superiorem obtinuisset corporis partem, inferna calore destituta fuissent membra: at pituitæ si infernas addixisset natura partes, superiora frigore caruissent, hincque inflammationem leui de causa incurrissent: inferiora verò ob pituitæ frigidaë copiam, congelationem perpessa fuissent, facile inctus erat.

Varjis itaque causis, variè parabitur clyster, prout materia clysteris crassior molliorve existit. Quod ego hoc loco agere statui, clysteres nempe describam, cõficiendi & vten- di modum rationemq. pro diuersitate mor- borum variam exponam. Communis cly- ster (vulgo etiam notus) ex oleo, melle, nitro, & aquâ paratur: qui in omnibus morbis, quod nonnulli contendunt medici, nõ con- uenit. noui enim qui in nullo affectu non eo utebantur, mirosq. effectus pollicebantur, cum tamen, non rarò spe suâ frustratos eos viderim, aluum magis quàm antea erat, con- stringentes. At peritus medicus diligenter causas morbi examinans, quodnam reme- dium conducat, quod verò minus, pensita- bit,

bit, nec raro pro variâ morbi naturâ, variam quoque & medendi & medicamentorum rationem instituet. quod iamdiu Hippocrates inculcauit, inquiens: Anni inter se differunt; quin & differunt inter se. naturæ; hinc etiam medicamentum diuersimodè parandum, pro causæ nempe morbificæ diuersitate. Dico itaque prædictum clysterem variè diuersimodeque componi debere: nunc enim plus mellis quàm olei aut nitri; nunc plus olei quàm mellis aut nitri addendum: interdum æquali omnia pondere miscenda. Aqua verò huic clysteri adiicitur, vt deducatur medicamentum ad loca affecta, quæ dolore tenentur. Cuius rei mentionē Hippocrates facit, dicens, Aquas verrere alimenta & medicamenta. quod sanè in clysteribus vsuuenire videmus. Quod si quis dixerit, aquam medicamentis ad ea subtilianda adiici, huius sententia minimè vera: videmus enim veteres antiquos medicos quoties subtile requireretur pharmacum, vinum aquæ loco adiecisse: hoc enim & subtilius & aquâ tenuius. Aqua itaque hoc medicamentis commodi adfert, vt promptè ad ea loca in quibus morbificæ causæ hærent, perueniant. Interdum enim solo oleo

paratur

paratur clyster: interdum ex oleo & melle: at ex merâ aquâ Veterum qui fecerit, reparias neminem: licet iactarit apud nos quidam se eum per inferiora felici successu inieciſſe.

* Vtemur verò nos aquâ & oleo duntaxat in ardentibus febribus, ad inflammationis & caloris vim frenandam frangendamque. Nec parum errant ij qui in

R. Moſ. Part. x.

Nos clysterizamus cum oleo & aqua tantum in febribus adurentibus accensis, ut diſtampamus ſui calorem adurentem & accensum.

calidis febribus clysterem ex aquâ, oleo, nitro, aliſue acris medicamentis, paratum adhibent, vt qui non parum incommodi ægro adferant, dum febrem accendunt magis, prauamque constitutionem corpori inuehant: ex ſolo itaque oleo febricitantibus paratur clyster, nec vllò modo ingrediantur medicamenta acrimoniam habentia. Conſtare itaque iam puto, cur aquam clysteribus addiderint Veteres.

In Clysteris autem applicatione hic ſeruandus modus: vt ſit æger facie verſa, capite declin, cruribus natibusque erectis: hinc eum prehensens, ex aduerſo ei te ſiſtas, inſtrumentum ad eam rem aptatum ad manum habens: ſint autem digiti mundi, & ungues reſecti, ne ſi in anum digiti indendi ſint, lædatur

datur æger, dum nempe incuruis tuis vnguibus laceratum intestinum apostema incurreret facile: quod dolorem acerbum excitaret. Sunt qui existiment eum clysterem omnium commodissimum esse, qui postquam iniectus fuerit, rectâ ad ventriculum pergat. Verum hi quoniam in Anatomicis versati non sunt, ignorant quoque inter naturales vitalesque partes, diaphragma, impediens quo minus hæc se mutuo attingant: hinc & clysteris legitimus vsus eos latet. hic enim iis partibus quæ ei quod infra corpus sitæ sunt, opitulatur quidē; verum supra intestina non ascendit, nisi corruptum & spongiosum iam sit redditum corpus, tunc enim limites suos transilit, & ad superiora corporis clyster peruenit. Quod si quis nihilominus contendat ad superiores corporis partes clysterem pertingere, caneturque sententiam suam iis qui colicis infestantur Haibus, probare, in quibus nempe sapor clysteris Lingua interdum percipitur: huic responsuro velim, fieri id ratione qualitatis medicamentorum vehementioris, ventriculum perreptantis; sed & illud raro admodum accidit. Verum si cōtra hos disputationem instituere velim, in maiorem quàm par sit, exsurgat hic libellus

lus molem: sufficiat itaque id solum indicare, quod ad clysteris cognitionem præcipue conducere videbatur. Redeo iam eò vnde digressus eram; præcipiens ut digiti mudentur & præparentur, præsertim verò index; hic enim oleo mungendus, & in anum immittendus, ut olei illinitione planè irrigetur. Ipsa digitorum immissio, semel, bis aut ter repetatur, ut dilatetur magis foramen: hinc totus clyster iniciatur; ea observata cautrone, ne clysteris hac immisione nimis adhuc dilates meatum: hoc enim si fiat, universa sanè clysteris moles non ingrederetur. Nec quoque imperfectè clysterem immittes, (efflueret enim, nec intra corpus perveniret medicamentum) verum mediocri insertione; hinc ambabus manibus æqualiter clysterem comprimendo, exprimes omne quod in se continebat. Cum verò de clystere cogitas, ægroti vires tibi examinanda veniunt; tum & ætas; temporis quoque constitutio: hæc enim omnia in cunctis operibus medicinalibus perpendenda. Opus enim est ut quantitatem medicamentorum clysterem constituentium augeas minuasve, prout ægroti facultates magis minusve integræ fuerint.

Quòd si diu in ventre retenta excrementa sint, adeò vt crassa duraque iam euascent, vti poteris decocto furfurù, viscidum enim est, ac deorsum demergens, expellens excrementum siccum. Coquantur autem probè furfures, donec tertia aquæ pars absumpta sit: memineris præterea nitri & olei paululum adiicere. hincque eo vtaris.

Porro alius paratur clyster ex decoctis betarum, qui strictæ conducet aluo, eoque magis si febris adfuerit, cum hoc parabis modo: Sume betam, superinfunde aqua quæ ebulliat: hinc depuretur, parumque adiciatur olei. sicque eo vtaris. Quod si quis roget, cur in febribus nò commendem decoctum maluæ & coriandri, cum coriandrum refrigeret, malua verò emolliat? huic responsum velim, betæ nonnullam inesse caliditatem, beta enim nec refrigerat nec emollit nimium: at coriandrum, cum extreme frigidum sit, stuporem corpori inducit, iam verò malua flatuosa est. beta verò variis doloribus conducit, ac præsertim illum cruciatibus.

Paratur & clyster ex hitro: quo tamen vtendum non est, nisi in robusto corpore;

tumque cum in vigore fuerit morbus. vsus eius est in febribus quæ à copiosa pituitæ corruptione cum flauæ bilis mistione exsurgunt; & cum intestina ab humoribus malignis vacua & libera fuerint. Cum verò eo uti animus est, sic ages: Accipe nitri quantum voles, huic oleum & mellis paululum superinfunde. sicque utere. clyster validus est.

Centaureum diuersis quoque morbis prodest: præcipuè autem commendatur eius facultas in iis affectibus, qui constrictam sequuntur aluum. tum & non parum conducit iecori obstructo, ventriculo dolenti, lienis apostemati, iuncturarum dolori, apostematibus è pituita ortum trahentibus: breuiter, iis morbis qui ab astricta pendunt aluo; tum etiam qui aut ex virium imbecillitate, aut temperamenti corruptione oriuntur. corrumpitur autem temperies aut ob quantitatem aut qualitatem ipsius: interdum enim inualescit calor, interdum debilitatur. Verum quod ad quantitatem, modò calor augetur, modò imminuitur; quibusdam autem ob humorem tenuiorem & acriorem, quibusdam verò ob crassiolem ac viscosiorem; item & aliis ob apostema vel solutio-

nem continui. Oportet autem vt causæ illæ examinentur prius, sicque demum centaurei vsus ineatur. Quod si obstructio dolorue ob calidos tenuesque eueniant humores, non vtêris centaureo omnino. si verò ob viscidos ac crassos humores, tunc parabis id quod maximè conducere videbitur, quod nempe attenuet crassos & purget viscidos humores.

Ex colocynthide paratur clyster, habens facultatem centaureo planè contrariam, idque pro ratione diuersitatis elementorum. Opus autem cognoscere medicamentorum naturas & facultates tam generales quàm particulares diuersas: sunt enim nonnulla quorum vsus expetitur dum recentia adhuc sunt: alia ætatem requirunt vt iis quis vti possit. hoc quoque quàm illud diutius multo seruari incorruptum (pro temporis & regionis in qua natum, diuersitate) poterit medicamentum. Colocynthis autem prodest dolori capitis, & lethargo, ac grauitati quæ in capite oritur: tum & dolori ei qui vocatur hemicrania, atq. ei qui totum caput occupat læditque. Verùm cùm fuerit capitis dolor ab humore tenui & acri, omnino

omniadò à colocynthidis vsu abstinendum. si verò à materia fuerit crassa; accedatque apostema cum faciei rubore capitisque grauitate; tunc eâ vtaris, maximè verò tum, cùm alui simul adfuerit adstrictio. Sedabitur enim oculorum dolor; euanesceat apostema, ac cessantibus lachrymis remittet se dolor prauitasque capitis.

Clyster qui paratur ex herbà ozimo aquaticâ dictâ (*id est melissâ*) si venter phlegmoticus fuerit, prodest pleuritidi, & defluxionibus in articulos. in hunc autem modum erit parandus. *℞.* ozimum aquaticum (*vel melissam*) superinfunde aquam, bulliat, hinc depuretur, & addatur parum mellis & olei, ac sic vtaris.

Paratur & ex anetho clyster, qui prodest flaccido ventriculo, appetitus deiectioni & eructationi, quæ odore ingrato molesta est; tum & ventriculi apostematibus: conficitur hac ratione: *℞.* anethi quantum sufficit, affunde aquam; coquatur probe: depuretur, adiiciaturque cumini, olei, & mellis pauxillum: mel enim & cuminum stomacho conducunt, cùm expellant quicquid in eo fla-

tuosum est. & talis quidem eorum est operatio, quoties infernè induntur.

Est & clyster Abrotani, qui conducit vermibus in ventre nascentibus. paratur hoc modo. Accipe abrotani quantum voles, & affunde aquam, coque diligenter, depura; addens aliquid mellis & nitri, eoq. sic vtere. summoperè iam dicto malo confert, præcipuè si in inferioribus intestinis hæreant vermes.

Iam autem antea monui vnum eundemque clysterem omnibus non conuenire ætatibus: senibus enim qui iniiciendi sunt clysteres, cōfici debent ex medicamentis qualitatem humidā habentibus, veluti est oleum & mel. Contrà, qui iunioribus aptantur, è nitro & melle, sed sicciore, parari possunt. At quoties sanitatis conseruationi debita curandi ratione studes, confice clysterem temperamento corporis conuenientem, expellaturque è corpore morbus per eiusmodi clysterem, qui facultate suā planè isti morbo contrarius existit. Pueri quidem ferent clysterem siccum, acrem, pungentem: senes verò minimè, nec vllam ex eo perceperint vtilitatem.

utilitatem. Dico itaque corpora sicca iuuari clysteribus humidis; humida siccis. Iuuenibus qui parantur clystères, mel parcâ manu recipiant; largius verò oleum affundendum: calor enim in iis veliementior, vnde maior constrictio ariditasque; calor inquam quicquid in intestinis humidum absumit, hinc ficiora excrementa reddita, tardè descendunt.

Verùm in senum clysteribus oleum imminuendū, mel verò liberalius addendum; eorum enim corpora ad frigus magis prona sunt, plurimi que iis morbi ex frigore ortum trahunt, bile enim non ita abundant; quo fit vt in eis ariditas oriatur.

Benedixit Hippocrates, iis quibus in pueritiâ venter siccus, accrescente ætate humectari: quibus verò in primâ ætate humidus, vbi adoleuerit, siccescere: humores enim ætatum mutatione, mutantur vnâ. Euenit interdum vt flaua bilis in iuuenili ætate exuberet, eaque venter largiter imbutus nullo laborioso enixu excrementa excernat: at accrescente calore, bilis retinet magis sterco-
ra, difficilemque parit egestionem. Modus

B. 4. verò

verò conficiendi clysteres in febribus, talis est.

Ei qui laborat hemitritæa febre, aptabis clysterem cui nitri parum, at mellis & olei multum insit. At qui tertiana, multum olei, contrà, mellis aut nitri parum debetur. Potest & huic feбри clyster fieri ex oleo rosarum & aqua.

Quartanam qui patitur febrem, aptatur clyster prout humores aut emollire, aut exsiccare aut calfacere volueris. Hætica verò dicta febris non indiget clystere è purgantibus acribusve medicamentis paratò: verum omnia ibi emollientia sint, remissè & parum admodum refrigerantia: hac enim qui affliguntur febre, malignis humoribus non scatent, cum membris eorum siccis insideat febris, nec multæ iis insunt superfluitates, ob extremam macilentiam & membrorum tabefactionem. qui enim eâ afficitur febre, calore corporeius mirum in modum extenuatur: adhibendus itaque huiusmodi clyster: Accipe parum seminis lini, affunde aquam (non dulcem, falsam, aut aluminosam) coquanturque simul leuiter. ingeratur iis qui febre exsiccante seu phthísi conficiuntur, nec tamen magna quantitate hoc vtêris, cum

cùm non ad alui solutionem, sed ad humectationem conueniat potissimum. Proderit autem humori acri, vellicanti, qui ad intestina delapsus, ibi infixus hæret: hinc dolor vehemens & mordicans; quem viscositas huius clysteris sedat; qui idem sua frigiditate febrem tollit. In hac febre cibi appetitus minuitur ægris, corpus exsiccatur, leuius redditur, bilis flaua calidior, & magis pungens euadit; hinc oritur iis qui hac tenentur, mordicatio in ventre, & copiosus calor, vehemensq. incendium. Prædictus verò eis conuenit clyster, modò remissior fuerit: parum enim calfaciet, at humectabit refrigerabitque moderatè. ea enim è quibus componitur, naturalem accidentariamque perficient operationem, vt aqua cui frigus naturaliter, calor accidentariè inest. Quoniam itaq. frigiditatem ex sese, caliditatem artis beneficio obtinet, egregiè actiones administrabit aqua, natiua sua qualitate refrigerando; accidentario calore celeriter medicamentivim ad partes deducendo.

Ex priscorum quorundam medicorum sententiâ, prodest quoque is qui ex oleo rosaceo paratur clyster. eius enim medicamenti

facultas, facultatem seminis lini similem sibi
asciscit; eo quod refrigerat. nec scrutati sunt
substantiam vel facultatum eius diuersita-
tem. confert iis qui febre laborant frigida &
tanquam ex niue contracta: verum febris
natura diligenter inquirenda; postea cura-
tioni se accingere oportet, ad confectionem
huius clysteris, sumatur oleum rosaceum,
affundatur aqua tepida, æqualiter agitentur,
hinc vsus eius instituatur.

Is etiam veterum præconis effertur cly-
ster, qui & ex papauere, oleo oliuarum &
aqua conficitur; magnam sanè vtilitatem
vrentibus adferens.

Fuerunt nonnulli qui in capitis dolore à
bile flauâ, clysterem ex papaueribus compo-
nerent: verum in eiusmodi malo præstan-
tius est, si papauer aquâ coctum instilletur
capiti, melius enim sedatur dolor. Clyster
autem ex papauere hoc paratur modo: Pa-
pauer in aqua probè coquitur, depuratur,
quo factò affunditur oleum. eo modo para-
tus, vtilis est in dysenteriâ, aut in magno ar-
dore æstuque. hic enim sedatur; fluxioque
sistitur.

Clyster

Clyster ex melle & aquâ utilis est: modò diligenter ij inquiratur affectus, vbi vsus eius cõducit. Nõnulli enim hecticâ laborâtes febre, immoderatè calent: alij intèperatè sicci existunt; adeò vt corpus senum corporibus simile reddatur. In quibus calor vchementer exuperat, clyster parari debet ex oleo rosaceo & aquâ tepidâ. quibus moderatè, loco ros. olei, indendum sèmen lini. Vbi immoderata siccitas, præstantior clyster humidus fuerit, vtpote in huiuscemodi siccitate commodius humectans. At vbi in corpore frigus imperium obtinuerit, clyster ex melle paretur. Si verò calor fuerit remissior, reliqua medicamenta mordicantia non conueniunt iis qui huius temperamenti sunt. hoc autem modo parètur: Mellis laudabilis, fragrantem spirantis odorem quantum voles: cui tantundem aquæ affundas: moueantur diligenter. hinc vtaris: prodest morbis frigidis.

DE C O-

DE COLICO

D O L O R E.

VINIVERSVM interdum corpus, ratione vnius alicuius membri morbus inuadit: interdum totius corporis ratione vnâ aliquam partem apprehendit affectus. In colica ob vnum solummodo membrum homines totius corporis dolore, vigiliis, febribus infestantur. huius mali quoniam in titulo libelli à me facta est mentio, eius naturam hoc loco explicare statui. Oritur in intestino Colon dicto, idque ob varias causas. quarum aliæ externæ, internæ aliæ. Externæ, vti ex vitiosis alimentis, aëris ambientis nimio frigore. Ali-
 menta enim praua, vti brasseæ, similiaque olera frigida & sicca, gignunt humores prauos, qui variis doloribus ansam præbent. Interna causa est vt plurimum puita alba, vitrea, quæ ex alimentis prauis & vitiosis ortum traxit: hæc è toto corpore ad intestina delapsa, hæret in prædicto intestino colo, pessimaq. symptomata in-

R. Mos. part. xxv.

Cibi mali sunt sicut
 caules & similes eis et
 frigidis herbis & succis.

R. Mos. Part. vi.

Cum repletur intestinum
 quod dicitur colon,
 accidunt inde acciden-
 tia mala

ia mala stomacho, sci- uehit. corripit ventriculum
 licet dolor & punctio: dolor, eo quòd intestinum
 quia hoc intestinū cum distendatur, pertingitq. ad
 impletur, extenditur, & tunicas ventriculū reliquaq.
 accidit tūc dolor siphac intestina cingentes hac de
 quod circumdat stoma- causa graui dolore afficitur
 chum & intestinum, ventriculus. Vera esse quæ
 & stomachus infrigi- dico, probat curationis mo-
 datur; &

modus, quoties enim epithemate siue emplastro
 affectū hunc fugare instituis, augetur conti-
 nuò extensio, *

R. Mos. part. ix. Ratio
 Emplastra & cataplasmata autem curandi hūc af-
 fectū per emplastrum
 que antiqui inuenerunt ad curationem colica falsa ex fle-
 gmate vitres ab intestino colon à veteribus adinuenta
 contento, oportet te in patiente fuit. & oportet, vt qui
 frequentare; quia cum fre- eo vti volet, continuè
 quenter operaris, ipsam curas applicet, nec ab insti-
 egritudinem; & à malis acci- tuto desistat, sic enim
 dentibus liberās patientem. Et ægrum à colicis dolo-
 cum ea semel vel bis tantum- ribus liberare poterit:
 modo operaris, nocet patienti at si semel atq. iterum
 nocumento magno, quia per
 illud sui tensio augmentatur.

solūm epithema siue emplastrum applicet,
 moxque desistat, proculdubio grauiora exci-
 tabit tormina. *

Scito au- & similiter exten-
 tem quòd musculus ventri- ditur laceratus qui exten-
 culo & intestinis superex- sus est supra stomachum
 pansus sit, adeò vt cū sese & intestinum; & sto-
 machus infirmatur; &

simili-

similiter extenditur la-
centis, qui extensus est
supra stomachum & in-
testinum ad extensionem
intestini, & patitur
stomachus ex hoc.

extendit intestinum, ven-
tricus doleat.

Simulac verò dolor hic
hominem apprehenderit,
ilico ei subueniendum cly-

stere ex decocto lentium parato, cui olei pau-
xillum admistum sit; oleum enim hume-
ctando excrementum siccum, excretionem
faciliorem reddit. quòd si extremè siccae in
lapideam duntiem concreuerint fæces, &
purgantibus medicamentis clysterem para-
to. Attamen religiosè & summa cum cau-
tione procedas; facile enim euenit, vt eius-
modi pharmacis commoti maligni humo-
res, magno impetu ad intestina confluant,
& ægto dysenteriam excitent. Quòd si
fortè hac in parte hallucinetur medicus, in-
cipiantque dolores hominem cruciare, sine
morâ parandas clyster ex aqua & sale alex-
andrino: ni iuuet, indicio sit, bilem atram,
causam mali existere, quamobrem sumas sa-
lis alexandrini particulam vnā, spinæ Ægy-
ptiacæ particulas tres, hellebori nigri parti-
culas duas. sal in aquam resoluiatur; in de-
cocto salis decoque helleborum & spinam.
hæc omnia iniiciantur. Quòd si alui solu-
tio non cesser, colorque corporis obscurior
redda-

reddatur, para clysterem ex auripigmento, zedoariâ, & alcali. eius descriptionem iam antè eo libro quem De medicamentorum compositione conscripsi, editam inuenies: hanc itaque clysterem parabis; si aluus laxa fuerit ob humorum putredinem & malignitatem. quod si effectum conspicias, eius vsui fidenter insiste.

Ex defectu solutionis, si colorem fœdè mutari cernas, franges facultatem medicamentorum, cum sumes vinum myrteum & acaciam: acaciam autem comminue, & in myrteum vinum resolue; ex eoque clysterem conficito. aut sumito gluten vstum, hocque probe comminutum resolue in rotulas.

Eidè quoq. prodehit placenta morsa vocata, quæ cōminuta, in mel & aquam resoluitur. sitque sic eius vsus. tollet enim hunc affectum plenè. si fortè ad manum hæc placenta non fuerit; conficiatur clyster ex decocto volubilis in vino austero vel acerbo: is enim humores præcipuos constringet, & vlcus siquod sit in intestinis, sanabit.

Veteres autem nobis reliquerunt medicamenta

camenta quædam vulgaria huic morbo propria, vti sunt sumach, grana myrti eiusque cortex, radices arboris mali punicæ, eiusque rasuræ, è quibus hoc modo licet clysterem parare. Accipe ramenta mali punicæ, coquantur in aqua probè, depurentur; sicque eis vtere. Idem sentiendum est de arbore helc (*specie rubi*) cum eius ramentis; vt alia complurima omittam, quorum ab iis mentio fit; quæ omnia hic recensere superuacuum videtur: sufficiant ea quæ expertus

R. Mos. Part. xlii.

Quidam antiquorum præceperunt, vt si quis pateretur colicam, acciperet lapillum salis, & eum supponeret sibi: quia sal citò extrahit egestionem: illud idem nitrum cum supponitur, operatur.

ipse sum. Fuerunt porro inter veteres, qui colicis doloribus vexato præciperent vsum lapilli salis, ex quo clysterem fieri iubent; quem leui & facili negotio excrementa educere assunt. Verùm idem præstat nitrum adhibitum.

Sunt & alij qui mel eousque incrassant donec resinæ consistentiam referat: quod elychaio siue filò intorto circumiiciunt; hoc ano indūt, clysterisq. loco vtuntur nec infelicitè; soluit enim placidè. Accedunt alij, qui filum in mel immergunt, illudque postea nitro inuoluunt. hoc quo magis demer-

gitur,

gitur; eo fortius soluit. Idem efficit lac
 mororum sumtum lanaeque immixtum, sic-
 que clysteris in modum alui inditum; debi-
 te enim eam prouocat. Item & raphanus
 idem praestat, hoc modo paratus: Accipe
 raphanum; eum cortice priua, hunc filo in-
 torto similem efformans indas ano: soluet
 ex animi sententia.

Cepa quoque in eundem hunc usum tra-
 hi potest: idque hoc modo: Sumas cepam,
 probe comminuas, hinc exprimito, expres-
 sum linteo molli spongiaue excipiat, eo-
 que aeger clysteris vice vtatur; laxabit certo
 aluum.

Eodem modo & Allium sumitur, hoc-
 que rite confusum exprimitur, in expressio-
 nem spongia immergatur (aut simile quid)
 qua aeger clysteris loco ad laxandam aluum
 vtatur. Porrum quoque mundatum con-
 fundito, ex eoque quid ellychnio simile con-
 flicto, quod aeger sibi subdat vt ventrem sol-
 uat. Stercus muris idem praestabit. Haecque
 simplicia medicamenta acrimonia sua &
 mordicatione aluum proritant. Obseruan-
 dum autem vt cum acria admodum fuerint,

vt lac mororum, asa foetida & similia, vt in-
qua tunc lac usadiicere noris, vt frenetur eo-
rum acrimonia, neue du iniiciuntur, anum
exulcerent: pars enim exquisiti est sensus,
hinc nonnunquam accidit vt ab acri aliquo
vellicata, apostema, pustulasue incurrat,
quod interdum fit, vbi largiter bilem fla-
uam naturā suā acrem & mordicantem ex-
cernit homo: & sanè quod res naturales,
idem & externas & alienas efficere quis du-
bitet? Hoc autem quoties euenit, multo
peius quam in principio oritur malum; vt
potè maior podicis ratione, constrictio nam
idem hic quod in pulmōis & cordis vitis
sentiendum, veluti enim cor participat con-
tinuò pulmōis mala; sic & venter doloris
natiū particeps fit: ambo enim eiusdem na-
turæ membranā donata sunt. Hæc idè re-
censeo, vt innotescat mirus ille consensus
doloris coli cum ventriculo, vtpotè hoc in-
testinum illi arctè iungitur. Colicā verò
quandoque ex pituita frigida & vitrea or-
tum trahit, eaque nonnunquam sua sponte
evanescit, quando nempe excernitur a na-
turā magna eiusmodi pituitæ frigida quam
sentit æger copia, tunc enim paulatim sub-
sistet dolor.

Colicæ

Colicæ non parum etiam
conducit Asphaltum, si nem-
pe ventriculo robusto fue-
rit æger: sin debili, abstinca-
tur ab eius usu. Idem de
reliquis omnibus medica-
mentis dictum sit, ut nem-
pe quoties ventriculus ro-
bustus, medicamentis vta-
ris validioribus: sin contra
debilis existat, molliora in
usum trahantur, ne ventri-
culi imbecillitas augeatur
magis, sicque ex vno mor-
bo in aliū coniiciatur æger.
Formula autem clysteris ex
asphalto talis sit: *R.* Af-
phalti particul. duas, ol. oli-
uarum partic. vnam, misce,
eisque vtere. Quod si co-
licæ coniunctum fuerit intestinorum aposte-
ma, fume ol. labdani partes duas, ol. oliua-
rum, adipis anserini añ. script. vnum, resolue
adipem in oleosam substantiam & postea su-
perinfunde ei oleum labdani, & vtere. non
tamen in omnibus colicæ speciebus hic cly-
ster conducet: oritur enim interdum coli-

R. Mos. Part. xiii.

Clystere factum ex
duabus partibus picis li-
quide, & ex tribus
partibus olei, confert mi-
rabiliiter colica passioni
stomacho existente forti:
Cauendum est tamē ab
huiusmodi clysteri. &
ab omni clysteri in quo
medicamina fortia po-
nuntur, stomacho de-
bili existente: habentur
vero stomachum debi-
lem clysteriza cum me-
dicinis lenissimis: ipsa
enim cum non aduocant
stomacho debilitate alit-
quam, nec mutant de-
agritudine in agritudi-
nem patientem: & cum
sit clystere ex fortibus
medicinis, magnitudine
sui forte peruenit ad
stomachum & ascendit
in linguam.

cus dolor ex alteratione & debilitate ventriculi, quæ dysenteriam non raro producit. Interdum a corruptione humorum in ventriculo, qui in intestina reiecti acrimoniâ suâ deflectionem irritant, vti si bilis flava largè in ventriculum & intestina effundatur. Interdum mæror aut perturbatio colicæ ansam præbet, quoties nempe præ inopinato terrore magna fit virium dissipatio : quæ res apostema intestinorum producere posset. Nonnunquâ ex intestinis, corpuscula membranæ non dissimilia defluere cernimus, quæ sanè videntur esse interiores intestinorum membranulæ præ bile flavâ largiter in intestina defluente, quæ acrimoniâ suâ abradit, quòd si apparentibus hisce membranosis corpusculis, intestina distendantur, in eaque tunc temporis bilis flava impetum faciat, punget & mordicabit intestina, gignetque in eis vlcus, vnde dysenteria. Fortè & ex atrâ bile hic affectus originem traxerit : cuius rei Hippocrates in Aphorism, libris meminit, inquit, Dysenteriam ex atrâ bile ortam, funestam us esse quos inuadit ; idque idcò quòd ater ille humor peruadens intestina, gravitate & aciditate suâ abradit eorum substantiam, vnde mors subsequitur.

Totius

Totius quoque corporis imbecillitas colicum causare dolorem potest: idque tum præcipuè cum hepar affectum, plurima lobaturæ carniū haud dissimilia expellit. Sunt qui existiment medici hæmorrhoidas malum hoc gignere posse, vt & vlcus. Opus itaque est, vt diligenter omnes iam recensitas perlustres causas, hinc curationem instituas. hac enim ex parte cognitâ, perpensisque & examinatis cunctis symptomatibus, exactè perspecta tibi euadet colicæ causa: quæ perspecta, de remedio illi malo conuenienti adhibendo certus iam esse poteris. Causæ cognitionem si neglexeris, delinquas errésque in curatione necesse est, augeasque malum. Præ medicorum enim imperitiâ non raro innumeri exsurgunt morbi. Distinguas itaque inter hanc illamque causam, confutando quæ incidunt cum iis quæ à me iam relata sunt: examina humorum qui euacuantur, qualitatem, quo colore præditi sint, quem fundant fœtorē. Signa, ex iecoris imbecillitate malum originem trahere, si corpus extenuatum sit, dolorque ingens: hæc inquam indicant vehementem impendēre alui fluxum.

Si hæmorrhoides in causa sint, sistuntur,

ne amplius sanguis ex his profluet. Verum
vehementior remissionis dolor, causam eius
docebit. nec forte vnâ cum excrementis
sanguis profluet, sed aut præcedet eius erup-
tio aut subsequetur. huic itaque diligenter
attende, videbisque sanguinem admodum
atrum prodire. Contingit dysenteria ex al-
teratione ventriculi, humorumque in co-
contentorum corruptione, præcipue vero bi-
lis atræ: nam atra bilis grauitate suâ, flaua co-
piâ, malum hoc pariunt. facultate itaque ex-
istente debili, medicamenta superius enarra-
ta vsui tibi fuerint, eorumque mitiora, non
vehementia, cauendo ne quantitatem mul-
tum augeas. Sumas itaque medicamenta ca-
lida in superficie corporis, vt aperias meatus,
& vt partem materiæ foras trahas; præscri-
basque alimenta stiptica, ea enim repriment
fluxum nimium. Quod si minor sit solu-
tio, clystere vtêris, composito ex decoctis
cedri & acaciæ; is hoc modo paratur: R. de-
cocti cedri partes v. acaciæ partes ij. probe
contundatur acacia, & in decoctum cedri
infundatur; imponenturque igni, lento igne
coquendo, donec paulatim formam (*id est*
crassitiem) mellis acquirat; viscidum ita red-
ditum, sit tibi commodus eius vsus.

Paratur

Paratur & decoctum cedri alio modo, vt
Recipias decocti cedri partes iiij. decocti ros.
partes iij. hinc acaciã contusam eis misceas:
omniaque simul igni imposita tamdiu co-
quito, donec consistentiam mellis adipiscan-
tur. hinc eo vtaris, cum non vehemens, sed
remissior fuerit morbus. Quod si causa
vehemens largaque alui deiectio, facito ex
antedicto præscripto. Quoties itidem me-
dicamento aliquo acri vti voles in colico do-
lore, vti cepe, porro, stercore muris, aut si-
milibus, circumlinas anum prius oleo rosa-
rum aut oliuæ omphacinæ, ne natibus no-
xam aliquam inferas, quod certè ni inungas,
tibi euenerit, dum pustularum fiet pro-
uentus.

F I N I S.

Quædam mutanda.

Pag. 11. lin. 19. pro sciunt lege potius non sciunt nisi
12. lin. ult. pro sursumque ascendens lege superioraque
petens.